

non nominando chi le meteva, et dicendo si leze a caxon si habi a pensar, e fin tre zorni poi si baloterà. Et fo comandato gran credenze, acciò non si sapesse per la terra.

Provisioni da trovar danari.

Primo. Far tutti li officij di questa terra di bando, et le quarantie la mità; et dice *solum* di zenthilomeni; e dil far do apontadori che li aponti, e, poi 5 ponti, sia fuora, e contumatia uno anno; et questo sia per uno anno solamente, e sia balotà la parte in gran conseio.

Secundo. Scontro, qual fo mio; che per uno anno, *ut supra*, tutti li salarij, si a zenthilomeni come massari, nodari *etc.* di officij, sia di la Signoria; et le utilità, detrate quello pagano al presente, la mità sia soa e l'altra mità di la Signoria; le quarantie la mità; e il capitolo di l'apontadori, et li danari portadi im procuratia, nè si spendi se non per il conseio di pregadi, et poi si vegni per li rezimenti da terra a proveder; la qual parte non s'intendi presa, si la non sarà presa *ut supra*.

399 *Terza*, di tanxadi, sia revisti per li X savij, e li asolti, et possi crescer e non sminuir, come a l'oro parerà, non excedando perhò quello poleno tanxar; et di novo sia posto a pagar una taxa, con questo siali restituita, e ubligati certi danari dil sal, *ut patet*, et habino 5 per 100 fin la satisfation.

Quarta, di quelli stanno in le caxe, debino pagar per una volta solamente, quelli da ducati X fin 20, un quarto; da 20 fin 40 la mità; da 40 fin 60, li tre quarti; da 60 in suso, tuta la quantità da esser restituida al sal, *ut supra*, con li 5 per 100.

Quinto, un'altra parte, zercha questi fiti, la qual è molto longa, si cava più danari, non exceptuaniun, è compresi botege, volte *etc.* Et non vol sia restituita, nè habi alcuna utilità.

Sexto, di vender li stabelli e possession di la Signoria nostra, *videlicet* de li debitori, non de li 8 officij deputati a la camera d'imprestidi, et si possi pagar di danari di pro' corenti, a ducato per ducato, et il cavedal a ducati 9 dil monte vechio *etc.*, con altre clausule, come si contien.

Septimo, di far do avogadori, uno per questa terra, l'altro per fuora, sopra le camere, con gran autorità per recuperar danari, non si pagi niun senza saputa sua, e assa' particolarità, *ut in parte*.

Octavo, che tutti, chi depositerano fra certo termine a li extraordinarij per le decime di merchantie, habi don X per cento.

Nono, che molti monasterij e ospedali asolti di decime, *videlicet* di le 4 ultime date dil papa, che niun exceptuava, et per lettere di la bancha sono stà absolte, che tute siano taiate *etc.*, e debino pagar dite 4 decime papal, resalvando *tamen* quelli che per questo conseio saranno connotuti non poter pagarle.

Decimo, di elezer per scurtinio 6 provedadori a trovar danari, quali debino star 3 per camera a consultar, e poi venir in colegio, in termine di zorni 8, et lezer le so' opinion, e vegnir loro, o con li savij tutti, a questo conseio, a poner quelle parte li parerà.

Et *undecimo*, fo leto di poner 4 decime, do al monte vechio e do al monte nuovo, da esser astrete, quando parerà al conseio.

Et ben che ne era altre parte notade, *tamen* non fono lete, si quella dil sal, *alias* leta im pregadi. *Item*, di soldi 4 per campo; *item*, di fogolari; *item*, voler vender le rive a 8 per 100; *item*, poner a li zudei pagino 12 milia ducati, da esserli restituidi; *item*, di conzar la terra, che sier Antonio Trun, el consier, vol *omnino* meterla; et altri, che non si parli di conzarla fino ad anni 5 proximi; *item*, di comprar il stabele di la Signoria et possession dil Polesene, con li danari dil monte nuovo, per quello li stà; *item*, dimandar ajuto per terra ferma, o di una decima, o vero interzar li daj di fuora, et dimandar imprestado; *item*, di scriver a Roma per uno jubileo et cruciata; *item*, di poner fogolari, di qual si traria grandissima quantità, come aricordò sier Lucha Zen, el consier, per l'opinion dil *quondam olim* sier Sabastiam Badoer, el cavalier, per la description fata da ducati 600 milia; et *conclusive* altre diverse opinion, notade et consultade *etc.*, et *præcipue* una che fici notar, di suspender tuti i pagamenti e provision per mexi 4, come *alias* fu fato, si qui come di fuora.

È da saper, da poi licentiat el pregadi, e posto la parte notada qui avanti, rimase el conseio di X per desobligar certa ubligation, fata al cassier, prestò ducati X milia per mandar al zeneral; *videlicet* il cancello di le taxe di sier Tomà Mocenigo, e fo, con la zonta di danari, fato la $\frac{1}{2}$ fusse ubligata, *ut supra*, e l'altra mità il cassier dil colegio potesse operarla, per li bisogni presenti.

Fu posto per li savij dil conseio e di terra ferma, 400 che, atento sia stà fato molte caxe di novo *etc.*, et perhò siano electi 3 honorandi zenthilomeni nostri, per scurtinio con pena, possendo esser electi di ogni officio, e officio con pena e continuo, quali debbi reformar, dal tempo di sier Fantin Michiel in qua, e